



74
6262
8



5262
8



東漢會要卷三十七

宋 徐 天 麟 撰

方域上

都邑

建武元年十月車駕入洛陽幸南京遂定都焉紀
建武中杜篤以關中表裏山河先帝舊京不宜改營洛
邑迺作書一篇名曰論都奏之曰夫大漢之盛世藉靡
土之饒得御外理內之術靡州本帝皇所以育業霸王
所以衍功西被隴蜀南通漢中北據谷口東阻欽巖關



去
水
五
味
均
平
藏



東漢會要 卷三十七

函守嶢山東道窮斯固帝王之淵囿而守國之利器也
利器不可以久虛而國家亦不忘乎西都何必去洛邑
之淳澹與本傳

杜篤奏上論都欲令車駕遷還長安者老聞者皆動懷
土之心莫不眷然佇立西望徐州刺史王景以宮廟已
立恐人情疑惑會時有神雀諸瑞迺作金人論以頌洛
邑之美天人之符文有可採循吏傳

建初中京師修起宮室濬繕城隍而關中耆老猶望朝
廷西顧班固乃上兩都賦稱洛邑制度之美以折西賓

淫佚之論其辭曰有西都賓問於東都主人曰蓋聞皇
漢之初經營也嘗有意乎都河洛矣輟而弗康實用西
遷左據函谷二嶠之阻表以泰華終南之山右界褒斜
隴首之險帶以洪河涇渭之川華實之毛則九州之上
腴焉防禦之阻則天下之奧區焉主人喟然而歎曰子
實秦人矜夸館室保界河山信識昭襄而知始皇矣惡
睹夫大漢之云爲乎今將語子以建武之理永平之事
且夫僻界西戎險阻四塞修其防禦孰與處乎土中平
夷洞達萬方輻湊秦領九峻涇渭之川曷若四瀆五嶽

帶河沂洛圖書之淵子習秦阿房之造天而不知京洛
之有制識函谷之可關而不知王者之無外也全文見本傳
獻帝中平七年關東兵起董卓懼欲遷都以違其難迺
大會公卿議曰高祖都關中十有一世光武宮洛陽於
今亦十世矣案石包讖宜徙都長安以應天人之意百
官無敢言者楊彪曰移都改制天下大事故殷庚五遷
殷民胥怨昔關中遭王莽變亂宮室焚蕩民庶塗炭百
不一在光武受命更都洛邑今天下無虞百姓樂安明
公建立聖主光隆漢祚無故捐宗廟棄園陵恐百姓驚

動必有糜沸之亂石包室讖妖邪之書豈可信用卓曰
關中肥饒故秦得并吞六國且隴右材木自出致之甚
易又杜陵南山下有武帝故瓦陶竈數千所并功營之
可使一朝而辦百姓何足與議若有前卻我以大兵驅
之可令詣滄海彪曰天下動之至易安之甚難惟明公
慮焉卓作色曰公欲阻國計耶太尉黃琬曰此國之大
事楊公之言得無可思卓不答司空荀爽見卓意壯恐
害彪等因從容言曰相國豈樂此耶山東兵起非一日
可禁故當遷以圖之此秦漢之執也卓意小解楊彪傳

卓時欲徙都長安迺謂陳紀曰三輔平敞四面險固土地肥美號為陸海今關東兵起恐洛陽不可久居長安猶有宮室今欲西遷何如紀曰天下有道守在四夷宜修德政以懷不附遷移至尊誠計之末者愚以公宜事委公卿專精外任其有違命則威之以武今關東兵起民不堪命若謙遠朝政率師討伐則塗炭之民庶幾可全若欲徙萬乘以自安將有累卵之危崢嶸之險也卓意甚忤而敬紀名行無所復言

陳紀傳

卓議遷都長安太尉黃琬司徒楊彪諫不從琬退而駁

議之曰昔周公營洛邑以靈姬光武卜東都以隆漢天之所啟神之所安大業既定豈宜妄有遷動琬竟坐免

黃琬傳

初平元年二月丁亥遷都長安

紀

興平二年乘輿播遷建安元年楊奉韓暹奉車駕至雒陽是時宮室燒盡百官披荆棘依牆壁間曹操在許謀迎天子眾以為山東未定荀彧曰昔晉文公納襄王而諸侯景從漢高為義帝縞素而天下歸心自天子蒙塵將軍首倡義兵徒以山東擾亂未遑遠赴今鑿駕旋軫

東京榛蕪義士有存本之思兆民懷感舊之哀誠因此時奉主上以從人望大順也秉至公以服天下大略也扶宏義以致英俊大德也四方雖有逆節其何能為操乃將兵詣洛陽引董昭問計昭曰將軍入朝此下諸將未必服從今留輔弼事勢不便惟有移駕幸許耳操曰此孤本志也遂遷都許

輿地圖

光武披輿地圖指示鄧禹曰天下郡國如是今始迺得其一子前言以吾慮天下不足定何也禹曰古之興者

在德厚薄不以大小禹傳

建武十五年議封皇子大司空上輿地圖紀

永平十五年明帝案地圖封皇子明德馬后紀

省併郡國

世祖建武十年省定襄郡徙其民於西河

十一年省朔方牧并并州

十二年省金城郡屬隴西

十三年二月丁巳并西京十三國廣平屬鉅鹿真定屬

常山河間屬信都城陽屬琅邪泗水屬廣陵淄川屬高

密膠東屬北海六安屬盧江廣陽屬上谷

據此惟有九國云十三誤也

十二月復置金城郡

二十年省五原郡徙其吏人置河東

和帝永元二年五日庚戌分太山為濟北國分樂成涿

郡勃海為河間國

六年十一月詔以勃海郡屬冀州

已上皆本紀所載者紀所不書而載於本郡之下者有志可考茲不具錄

前書地理志承秦三十六郡縣邑數百後稍分析至於孝平凡郡國百三縣邑道侯國千五百八十七世祖中興惟官多役煩迺命并合省郡國十縣邑道侯國四百餘所至明帝置郡一章帝置郡國二和帝置三安帝又命屬國別領比郡者六又所省縣漸復分置至於孝順凡郡國百五縣邑道侯國千一百八十

十三部上

河南尹 雒陽

河南

梁

滎陽

卷

原武

陽武

中牟

開封	苑陵	平陰	穀城
緱氏	鞏	成皋	京
密	新城	偃師	新鄭
平			
河內郡	懷	河陽	軹
沁水	野王	温	州
平皋	山陽	武德	獲嘉
修武	共	汲	朝歌
蕩陰	林慮		

河東郡	安邑	楊	平陽	臨汾
	汾陰	蒲坂	大陽	解
	皮氏	聞喜	絳邑	永安
	河北	猗氏	垣	襄陵
	北屈	蒲子	濩澤	端氏
宏農郡	宏農	陝	黽池	新安
	宜陽	陸渾	盧氏	湖
	華陰			
京兆尹	長安	霸陵	杜陵	鄭

新豐	藍田	長陵	商
上雒	陽陵		
左馮翊	高陵	池陽	雲陽
頻陽	萬年	蓮勺	重泉
臨晉	郃陽	夏陽	衙
粟邑			
右扶風	槐里	安陵	平陵
	鄠	郿	武功
	汧	陳倉	陳倉
	汧	雍	桐邑
	涇	涇	涇

右司隸校尉部郡七縣邑侯國百六

美陽	漆	杜陽	山
穎川郡	陽翟	襄城	昆陽
	定陵	舞陽	鄧
	穎陽	穎陰	許
	鄆陵	長社	陽城
	輪氏		父城
汝南郡	平輿	新陽	西平
	南頓	汝陰	汝陽
			新息

梁國	下邑	睢陽	虞	碭山	北宜春	隱強	濯陽	期思
	城父				陽安	項	西華	細陽
					安城	吳房	銅陽	慎陽
					慎	新蔡	安陽	富波
					宜祿	朗陵	弋陽	召陵
					征羌	思善	宋公	褒信
					原鹿	定潁	固始	山桑

沛國	相	蕭	沛	豐	蒙	穀熟	臨	寧陵
	鄧	穀陽	譙	浚				
	蕪	銓	鄆	建平				
	臨睢	竹邑	公邱	向				
	龍亢	符離	虹	太邱				
	杼秋							
陳國	陳	陽夏	寧平	苦				

東漢會要

卷三十七

九

魯國	魯	騶	蕃	薛
長平	柘	新平	扶樂	武平
右豫州刺史部郡國六縣邑侯國九十九	卞	汶陽	繁陽	內黃
魏郡	鄴	黎陽	陰	安邑
繁陽	內黃	墟	館陶	武安
清淵	平恩	沙	斥邱	曲梁
武安	曲梁	梁期		

鉅鹿郡	慶陶	鉅鹿	楊氏	鄒
下曲陽	任	南和	廣平	
斥章	曲周	廣宗	列人	
廣年	平鄉	南鄉		
常山國	元氏	高邑	都鄉	南行唐
房子	平棘	欒城	九門	
靈壽	蒲吾	井陘	真定	
上艾				
中山國	盧奴	北平	母極	新市

望都	唐	安國	安熹
漢昌	蠡吾	上曲陽	蒲陰
廣昌			
安平國	信都	阜城	南宮
	下博	武邑	觀津
	堂陽	武遂	饒陽
	南深		
河間國	樂成	弓高	易
	中水	鄭	高陽
			文安
			武垣
			安平
			經
			扶柳

東州	成平	東平	章
清河國	甘陵	貝邱	東武城
	靈	繹幕	廣川
趙國	邯鄲	易陽	襄國
	中邱		柏人
勃海郡	南皮	高城	重合
	東光	章武	陽信
			修
右冀州刺史部郡國九縣邑侯國百			
陳畱郡	陳畱	浚儀	尉氏
			雍邱

東漢會要

卷三十一

十一

襄邑	外黃	小黃	東昏
濟陽	平邱	封邱	酸棗
長垣	已吾	考城	圉
扶溝			
東郡	濮陽	燕	白馬
	東阿	東武陽	范
	博平	聊城	發干
	陽平	衛公	穀城
東平國	無鹽	東平陸	富成
			章
			頓邱
			臨邑
			樂平

壽張	須昌	濰陽
任城國	任城	亢父
泰山郡	奉高	博
	嬴	茌
	南武陽	南城
濟北國	盧	蛇邱
	剛	成
	山陽郡	昌邑
		東緡
	湖陸	南平陽
		方與
		瑕邱
		鉅野
		高平
		鉅平
		蓋
		牟
		梁甫
		鉅平
		樊
		樊

金鄉	防東	成陽	乘氏
濟陰郡	定陶	冤句	成陽
句陽	鄆城	離狐	廩邱
單父	成武	己氏	
右兗州刺史部郡國八縣邑公侯國八十			
東海郡	剡	蘭陵	戚
襄賁	昌慮	承	陰平
利城	合城	祝其	厚邱
贛榆			

琅邪國	開陽	東武	琅邪	東莞
西海	諸	莒	東安	
陽都	臨沂	卽邱	繪	
姑幕				
彭城國	彭城	武原	傅陽	呂
畱	梧	菑邱	廣戚	
廣陵郡	廣陵	江都	高郵	平安
凌	東陽	射陽	鹽瀆	
輿	堂邑	海西		

下邳國	下邳	徐	僮	睢陵
下相	淮陰	淮浦	野台	
高山	潘旌	淮陵	取慮	
東成	曲陽	司吾	良成	
夏邱				
右徐州刺史部郡國五縣邑侯國六十二				
濟南郡	東平陵	著	於陵	臺
營	土鼓	梁鄒	鄒平	
東朝陽	厯城			

平原郡	平原	高唐	般	鬲
	祝阿	樂陵	涇陰	安德
	厭次			
樂安國	臨濟	千乘	高苑	樂安
	博昌	蓼城	利	益
	壽光			
北海國	劇	營陵	平壽	都昌
	安邱	濳于	平昌	朱虛
	東安平	高密	昌安	夷安

膠東	卽墨	壯武	下密
拒	觀陽		
東萊郡	黃	牟平	愷
掖	當利	東牟	昌陽
盧鄉	長廣	黔陬	葛盧
不期			
齊國	臨菑	西安	昌國
廣	般陽		臨胸

右青州刺史部郡國六縣六十五

南陽郡	宛	冠軍	葉	新野
	章陵	西鄂	雒	魯陽
	犍	堵陽	博望	舞陰
	比陽	復陽	平氏	棘陽
	湖陽	隨	育陽	涅陽
	陰	鄧	鄧	山都
	酈	穰	朝陽	蔡陽
	安眾	筑陽	武當	順陽
	成都	襄陽	南鄉	丹水

析

南郡 江陵 巫 秭歸 中盧

編 當陽 華容 襄陽

郎 宜城 郡 臨沮

枝江 夷道 夷陵 州陵

佷山 西陽 軟 鄆

江夏郡 西陵 雲杜 沙羨 邾

竟陵 雲杜 沙羨 邾

下雉 蘄春 鄂 平春

南新市 安陸

零陵郡 泉陵 零陵 營道 營浦

泠道 洮陽 都梁 夫夷

始安 重安 湘鄉 昭陽

烝陽

桂陽郡 郴 便 耒陽 陰山

南平 臨武 桂陽 含涯

滇陽 曲江 漢寧

武陵郡 臨沅 漢壽 孱陵 零陽

充	沅陵	辰陽	酉陽
遷陵	鐔成	沅南	作唐
長沙郡	臨湘	攸	茶陵
鄴	湘南	連道	昭陵
益陽	下雋	羅	醴陵
容陵			
右荊州刺史部郡七縣邑侯國百一十七			
九江郡	陰陵	壽春	浚道
西曲陽	合肥	歷陽	成德
			當塗

全椒	鍾離	阜陵	下蔡
平阿	義成		
丹陽郡	宛陵	溧陽	故鄣
	於潛	涇	歙
	陵陽	蕪湖	秣陵
	句容	江乘	春穀
廬江郡	舒	雩婁	尋陽
	臨湖	龍舒	襄安
	居巢	六安	蓼
			安豐
			潜
			石城
			湖熟
			黟

陽泉	安風	會稽郡	山陰	鄞	烏傷	諸暨
餘暨	太末	餘姚	句章	鄞	上虞	剡
永寧	東部	吳郡	吳	海鹽	烏程	餘杭
毗陵	丹徒	安	富春	陽羨	無錫	
婁						

豫章郡	南昌	建城	新淦	宜春
廬陵	贛	雩都	南野	
南城	鄱陽	歷陵	餘汗	
鄔陽	彭澤	柴桑	艾	
海昏	平都	石陽	臨汝	
建昌				

右揚州刺史部郡六縣邑侯國九十二

新章	南昌	宜春
臨江	豫章	南康
九江	彭澤	黃岡
漢陽	沔陽	漢川
襄陽	樊城	南漳
宜城	荊州	江陵
沔州	沙市	漢口
漢口	漢陽	漢川
漢陽	漢川	漢川

東漢會要卷三十八



八宋 徐未 天 麟 撰

方域下

漢中郡

南鄭

成固

西城

房陵

安陽

錫

上庸

巴郡

江州

宕渠

胸忍

魚復

臨江

枳

涪陵

墊江	安漢	平都	充國
宣漢	漢昌		
廣漢郡	雒州	新都	緜竹
	涪	梓潼	白水
	郫	廣漢	德陽
蜀郡	成都	郫	江原
	廣都	臨邛	湔氐
	八陵	廣柔	緜虎
犍爲郡	武陽	資中	牛鞞
			南安
			繁
			汶江

樊道	江陽	荷節	南廣
漢安			
牂牁郡	故且蘭	平夷	警
	談指	夜郎	同竝
	漏江	毋單	宛温
	漏臥	句町	進乘
越嶲郡	邛都	遂久	靈關
	青蛉	卑水	三縫
	定笮	闡	蘇示
			大笮
			臺登
			西隨
			鐔封
			談藁
			母斂

益州郡	荏秦	姑復	俞元	律高
滇池	勝休	毋椽	建伶	穀昌
賁古	味	昆澤	同瀨	
牧靡	雙柏	連然	楸棟	
同勞	秦臧			
永昌郡	不韋	雋唐	比蘇	楛榆
邪龍	雲南	哀牢	博南	
廣漢屬國	陰平	甸氏	剛氏	

蜀郡屬國	漢嘉	嚴道	徙	旄牛
犍爲屬國	朱提	漢陽		
右益州刺史部郡國十二縣邑一百一十八				
隴西郡	狄道	安故	氏道	首陽
	大夏	襄武	臨洮	枹罕
	積石	鄯	河關	
漢陽郡	冀	望恆	阿陽	畧陽
	勇士	成紀	隴	獬道
	蘭干	平襄	顯親	上邽

西

武都郡	下辨	武都	上祿	故道
河池	沮	羌道		
金城郡	允吾	浩豐	令居	枝楊
金城	榆中	臨羌	破羌	
安夷	允街			
安定郡	臨涇	高平	朝那	烏枝
三水	陰盤	彭陽	鶉觚	
北地郡	富平	泥陽	弋居	廉

參繚 靈州

武威郡	姑臧	張掖	武威	休屠
捐次	鸞鳥	樸剽	媼圍	
宣威	倉松	鷓陰	祖勵	
顯美	左騎			
張掖郡	鱗得	昭武	刪丹	氏池
屋蘭	日勒	驪軒	番和	
酒泉郡	福祿	表是	樂涇	玉門
會水	沙頭	安彌	乾齊	

延壽

敦煌郡 敦煌 冥安 效穀 拼泉

廣至 龍勒

張掖屬國 候官 左騎 千人 司馬官

千人官

張掖居延屬國 居延

右涼州刺史部郡國十二縣道候官九十八

上黨郡 長子 屯留 銅鞮 沾

涅 襄垣 壺關 洺氏

高都 潞 猗氏 陽阿

雲中郡 穀遠

太原郡 晉陽 界休 榆次 中都

于離 茲氏 狼孟 鄆

孟 平陶 京陵 陽曲

大陵 祁 盧虎 陽邑

上郡 膚施 白土 漆垣 奢延

雕陰 楨林 定陽 高奴

西河郡 龜茲 候官

西河郡 離石 平定 美稷 樂街

中陽 皋狼 平周 平陸

益蘭 園陰 藺 園陽

廣衍 臨沃 父國

五原郡 九原 五原 臨沃 父國

河除 武都 宜梁 曼柏

成宜 西安陽 箕陵 沙陵

雲中郡 雲中 咸陽 箕陵 沙陵

沙南 北興 武泉 原陽

定襄郡 定襄 成樂 武進

善無 桐過 武城 駱

中陵

雁門郡 陰館 繁時 樓煩 武州

汪陶 劇陽 崞 平城

埒 馬邑 鹵城 廣武

原平 彊陰

朔方郡 臨戎 三封 朔方 沃野

廣牧 大城

右并州刺史部郡九縣邑侯國九十八

涿郡 涿 涸 故安 范陽

良鄉 北新城 方城 昌平 軍都

廣陽郡 薊 廣陽 昌平 軍都

安次 桑乾 道人 當城

代郡 高柳 桑乾 道人 當城

馬城 班氏 犇氏 北平

東安陽 平舒 代

上谷郡 沮陽 潘 甯 廣甯

遼東郡 居庸 離菴 涿鹿 下落

漁陽郡 漁陽 狐奴 潞 雍奴

泉州 平谷 安樂 儗奚

獷平

右北平郡 土垠 徐無 俊靡 無終

遼西郡 陽樂 海陽 令支 肥如

臨渝

遼東郡 襄平 新昌 無慮 望平

候城 安市 平郭 西安平

汶 番汗 沓氏

元菟郡 高句驪 西蓋烏 上殷台 高顯

候城 遼陽 泃水 含資

樂浪郡 朝鮮 誦那 泃水 含資

占蟬 遂城 增地 帶方

駟望 海冥 列口 長岑

屯有 昭明 鏤方 提奚

渾彌 樂都 徒河 無慮

遼東屬國 昌遼 賓徒

日南郡 險瀆 房音 鬱林

右幽州刺史部郡國十一縣邑侯國九十

南海郡 番禺 博羅 中宿 龍川

四會 揭陽 增城

蒼梧郡 廣信 謝沐 高要 封陽

臨賀 端谿 馮乘 富川

荔浦 猛陵 鄣平

鬱林郡 布山 安廣 阿林 廣鬱

中溜 桂林 潭中 臨塵

定周 增食 領方

合浦郡 合浦 徐聞 高涼 臨允

朱崖 羸樓 定安 苟漏

交趾郡 龍編 曲陽 北帶 稽徐

麓洽 西于 朱戡 封谿 望海

九真郡 胥浦 居風 咸權 無功

無編 朱吾 盧容 象林

日南郡 西卷

北景

右交州刺史部郡七縣五十六

復九州

獻帝建安十八年復禹貢九州 本紀獻帝春秋云時省幽并州以其郡國并於冀州省司隸校尉及涼州以其郡國并為雍州省交州并荆州益州於是竟豫青徐荆揚冀益雍也九數雖同而禹貢無益州有梁州然梁益亦一地也

宮苑

南宮 北宮 永明三年起八年十月成

長樂宮 邯鄲宮 景奔傳

長信宮

帝祖母稱長信宮見百官志

長秋宮

皇后宮

永樂宮

靈帝母所居

濯龍宮

威帝紀

永安宮

何皇后紀

承光宮

種暲傳

中宮

皇后所居

東宮前殿

明帝紀

東宮

太子宮

桐宮

和帝陰皇后紀

章德前殿

后紀在九龍門內

椒房

后妃以椒塗壁取其繁衍多子

嘉德殿

后紀在九龍門內

玉堂殿

靈帝中平四年修

崇德殿

孫程傳

承福殿

五行志

宣德殿

馬援傳

安福殿

黃香傳

宣平殿

張奮傳

宣室殿

五行志

德陽殿

鍾離意傳

宣明殿

樊儵傳

千秋殿

五行志

溫明殿

景奔傳

萬歲殿

五行志

卻非殿

光武紀

黃龍殿

五行志

和歡殿

五行志

華光殿

劉寬賜侍講華光殿

含德殿

章臺殿

天德殿

溫飭殿

迎春殿

壽安殿

永寧殿

竝東京賦

樂成殿 靈紀注

壽安殿 梁后紀

靈臺殿 靈紀注

北閣後殿 馬后紀

章臺下殿 馬防傳

雲臺廣室 陰興傳

平樂觀 鄧騭傳

東觀 安紀注云南宮有東觀

繭觀 禮儀志

承祿觀 清河王慶居承祿觀

上林苑 諸帝校獵於此

西苑 順帝陽嘉元年紀

廣成苑 順帝陽嘉四年幸廣成苑

鴻德苑 威帝延熹元年置鴻德苑令

顯陽苑 延熹二年造

平樂觀 洛陽宮殿名

畢圭靈昆苑 靈帝光和三年

西園 靈帝紀

南園 百官志云在洛水南

芳林園 東京賦

濯龍園 馬后紀

直里園 百官志

鴻池 威帝開在雒陽東二十里

濯龍池 東京賦

永巷 後改掖庭

宮掖門 魏闕附

平城門

蒼龍門 即蒼龍闕

元武門

北門

南掖門

東門

朔平門

右七門見百官志各置司馬屬衛尉

南端門 闔門也南方正門

應門 中門也

崇賢門 東門也

金商門 西門也

雲龍門 德陽殿東門

神虎門 德陽殿西門

九龍門 嘉德殿在內

已上並見東京賦

象魏闕 東京賦云建象魏之兩觀者欲表明六典舊章之法垂於象魏

朱雀闕 曹節傳

永樂門 蔡邕傳

嘉德門 曹褒傳

盛化門 蔡邕傳

承明門 陳蕃傳

盛饌門 閻五行志

青瑣門 百官志注

鴻都門 來厯傳

雒陽城門

平城門

上西門

雍門

廣陽門

津門

小苑門

開陽門

耗門

中東門

上東門

穀門

夏門

街市

雒陽二十四街街一亭十二城門門一亭蔡質漢儀

雒陽市長屬河南尹百官志

長安鑄錢多姦巧京兆尹閻興召第五倫為督鑄錢掾

領長安市倫平銓衡正斗斛市無阿枉百姓悅服第五倫傳

宮苑雜錄

行在所光紀注云天子以四海為家故謂所居為行在所

天子無外乘輿所幸即為京師竇武傳

建武十九年修西京宮室紀

永平三年起北宮及諸官府尚書鍾離意上疏曰竊見

北宮大作人失農時自古非苦宮室狹小但患人不安
寧宜且罷止以應天心帝勅大匠止作諸宮後德陽殿
成百官大會帝思意言謂公卿曰鍾離尚書若在此殿
不立傳

肅宗時承平久宮室臺榭漸為壯麗扶風梁鴻作五噫
歌曰陟彼北芒兮噫覽觀帝京兮噫宮室崔嵬兮噫民
之劬勞兮噫遼遼未央兮噫上聞而非之袁紀

順帝陽嘉元年修飾宮殿郎顛拜章曰宮殿官府近始
永平歲時未積便更修造又西苑之設禽畜是處離房

別觀本不常居而皆務精土木營建無已消功單賄巨億為計願罷將作之官減雕文之飾傳

威帝欲廣開鴻池趙典諫曰鴻池汎漑已百頃尤復增而深之非所以崇唐虞之約已孝文之愛人也帝納典

言傳

靈帝欲造畢圭靈琨苑楊賜上疏諫曰竊聞使者竝出規度城南人田欲以為苑昔先王造囿裁足以修三驅之禮薪萊芻牧皆悉往焉先帝之制左開鴻池右作上林不奢不約以合禮中今猥規郊城之地以為苑囿壞

沃衍廢田園驅居人畜禽獸殆非所謂若保赤子之義今城外之苑已有五六可以逞情意順四節也宜惟夏禹卑宮太宗露臺之意帝欲止中常侍樂松等曰昔文王之囿百里人以為小齊宣五里人以為大今與百姓其之無害於政也帝悅遂令築苑傳

中平二年造萬金堂於西園紀

河渠水利

建武七年杜詩為南陽守善於計略省愛民役造作水排鑄為農器用力少見功多百姓便之又修治陂池廣

拓土田郡內比室殷足時人方於召信臣故南陽為之

語曰前有召父後有杜母傳

任延為武威太守置水官吏修理溝渠皆蒙其利傳

汝南舊有鴻卻陂成帝時丞相翟方進奏毀敗之建武

中太守鄧晨欲修復其功聞許楊曉水脈召與議之楊

曰昔成帝用方進之言尋而自夢上天天帝怒曰何故

敗我濯龍淵自後民失其利多致饑困時有謠歌曰敗

我陂者翟子威飴我大豆享我芋魁反乎覆陂當復昔

大禹決江疏河以利天下明府今興立廢業富國安民

童謠之言將有證於此誠願以死效力晨大悅因補楊

為都水掾使典其事楊因高下形勢起塘四百餘里數

年迺立百姓得其便累歲大稔許楊傳

建武二十四年張純上穿陽渠引洛水為漕百姓得其

利張純傳

王霸伐匈奴陳委輸可從温水漕以省陸轉輸之勞事

皆施行王霸傳

鮑昱拜汝南太守郡多陂池歲歲決壞年費常三千餘

萬昱乃上作方梁石洫水常饒足本傳

明帝永平十二年四月遣將作謁者王吳修汴渠自滎

陽至於千乘海口

汴渠即葭蕩渠也汴自滎陽首受河所謂石門在滎陽山北一里過汴以

東積石為隄亦號金隄成帝鴻嘉中所作也

王景少好學多伎藝時有薦景能理水顯宗詔與將作謁者王吳共修作浚儀渠吳用景塢流法水迺不復為害初平帝時河汴決壞未及得修建武十年陽武令張汜上言河決積久日月侵毀濟渠所漂數十許縣修理之費其功不難宜改修隄防以安百姓書奏光武即為發卒方營河功而浚儀令樂俊復上言昔元光之間人

庶熾盛緣隄墾殖而瓠子河決尚二十餘年不即擁塞今居家稀少田地饒廣雖未修理其患猶可且新被兵革方興力役勞怨既多民不堪命宜須平靜更議其事光武得此遂止後汴渠東侵日月彌廣而水門故處皆在河中竟豫百姓怨歎以為縣官常興他役不先民急永平十二年議修汴渠迺引見景問以理水形便景陳其利害應對敏給帝善之又以嘗修浚儀功業有成迺賜景山海經河渠書禹貢圖及錢帛衣物夏遂發卒數十萬遣景與王吳修渠築隄自滎陽東至千乘海口千

餘里景迺商度地勢鑿山阜破砥磧直截溝澗防遏衝要疏決雍積十里立一水門令更相洄注無復潰漏之患景雖簡省役費然猶以百億計明年夏渠成帝親自循行詔濱河郡國置河隄員吏如西京舊制景由是知名王吳及諸從事掾史皆增秩一等

王景傳

永平十三年四月汴渠成幸滎陽循行河渠乙酉詔曰自汴渠決敗六十餘歲加頃年以來雨水不時汴流東侵日月益甚水門故處皆在河中澇瀆廣溢莫測圻岸蕩蕩極望不知綱紀今兗豫之人多被水患迺云縣官

不先人急好興他役又或以爲河流入汴幽冀蒙利故曰左隄疆則右隄傷左右俱疆則下方傷宜任水勢所之使人隨高而處公家息壅塞之費百姓無陷溺之患議者不同南北異論朕不知所從久而不決今旣築隄理渠絕水立門河汴分流復其舊迹陶邱之北漸就壤墳故薦嘉玉潔牲以禮河神東過洛汭歎禹之績今五土之宜反其正色濱渠下田賦與貧人無令豪右得固其利庶繼世宗瓠子之作因遂度河登太行進幸上黨而還

紀

王景為廬江太守郡界有孫叔敖所起芍陂稻田景驅

景傳

率吏民使修起蕪廢由是境內豐給
永平中理葺沱石曰河從都慮至羊腸倉欲令東漕太
原吏人苦役連年前後沒溺死者不可勝算建初三年
拜鄧訓謁者使監領其事訓考量隱括知大功難立具
以上言肅宗從之遂罷其役更用驢輦歲省費億萬計

訓傳

元和三年張禹為下邳相徐縣北界有蒲陽坂傍多良
田而堙廢莫修禹為開水門通引灌溉遂成熟田數百

頃傳

和帝永元十年三月壬戌詔曰隄防溝渠所以助順地
理通利壅塞今廢慢懈弛不以爲負刺史二千石其隨
宜疏導勿因緣妄發以爲煩擾將顯行其罰紀

何敞為汝南太守修理鮦陽舊渠百姓賴其利墾田增
三萬餘頃吏人共刻石頌敞功德傳

安帝元初二年正月修理西門豹所分漳水為支渠以
溉民田二月詔三輔河內河東上黨趙國太原各修理
舊渠通利水道以溉公私田疇紀

三年正月修理太原舊溝渠溉灌官私田紀

虞詡為朝歌長先是運道艱險舟車不通驢馬負載僦

五致一詡迺自將吏士案行川谷自沮至下辨數十里

中皆燒石翦木開漕舡道以人僦直雇借傭者於是水

運通利歲省四千餘萬虞詡傳

順帝永和五年馬臻為會稽太守始立鏡湖築塘周回

三百十里灌田九十餘頃通典

靈帝熹平四年遣守宮令之鹽監穿渠為民興利紀

關梁

建武九年省關都尉

十九年復致函谷關都尉致當作置

章帝元和二年十一月壬辰日南至初閉關梁並紀

郭丹從師長安買符入函谷關符即縞也舊出入關皆用傳傳煩因裂縞帛分

持後復出合之以為符信非真符也

天井關在太行山下居庸關光武紀

五阮關鮮卑傳注云在代郡常山關光武紀

武關劉虞傳白水關李固解印綬於白水關

玉門關班昭傳注云在燉煌郡

靈帝中平元年黃巾賊起自函谷太谷廣城伊闕轘轅
旋門孟津小平津諸關竝置都尉皇甫嵩傳

傳置

鄧訓乘傳到武威拜張掖太守

光武遣馮異與銚期乘傳撫循屬縣異傳

武陵蠻圍劉尚詔使宋均乘傳發江夏奔命往救之宋均傳

傳

刺史鄧盛馳傳辟王允為別駕王允傳

衛颯為桂陽太守鑿山通道五百餘里列亭傳置郵驛

傳

Blank columns for text on the right page.

東漢會要卷三十九天緒本風天策熾帝制

天策天策太宋公廷徐舉如天傳首麟撰

四蕃夷上四蕃夷上

武帝滅朝鮮於是東夷始通上京建武之初復來朝貢

時遼東太守祭彤威讐北方於是濊貊倭韓萬里朝獻

故章和已後使聘流通逮永初多難始入寇鈔威靈失

政漸滋蔓焉自中興之後四夷來賓雖時有乖畔使驛

不絕故國俗風土可得略紀

劉放曰驛合作譯

夫餘國在元菟北千里建武中東夷諸國皆來獻見二十五年夫餘王遣使奉貢光武厚答報之於是使命歲通至安帝永初五年夫餘王始將步騎七八千人寇鈔樂浪殺傷吏民後復歸附永寧元年迺遣嗣子尉仇台詣闕貢獻天子賜尉仇台印綬金綵順帝永和元年其王來朝京師帝作黃門鼓吹角抵戲以遣之威帝延熹四年遣使朝賀貢獻永康元年王夫台將二萬餘人寇元菟元菟太守公孫域擊破之斬首千餘級至靈帝熹平三年復奉章貢獻夫餘本屬元菟獻帝時其王求屬

遼東云遼東六瀋賈淑之國也漢興已後臣屬夫餘
挹婁古肅慎之國也漢興已後臣屬夫餘
高句驪東夷相傳以爲夫餘別種武帝滅朝鮮以高句驪爲縣建武八年遣使朝貢二十三年冬句驪蠶支落大加戴升等萬餘口詣樂浪內屬二十五年春句驪寇右北平漁陽上谷太原而遼東太守祭彤以恩信招之皆復款塞後句驪王宮數犯邊境和帝元興元年春復入遼東寇略六縣太守景夔擊破之斬其渠帥安帝永初五年宮遣使貢獻求屬元菟元初五年復與滅貊寇

元菟攻華麗城建光元年春幽州刺史馮煥元菟太守姚光遼東太守蔡諷等將兵出塞擊之捕斬滅貊渠帥獲兵馬財物宮廼遣嗣子遂成將二千餘人攻元菟遼東焚城郭殺傷二千餘人於是發廣陽漁陽右北平涿郡屬國三千餘騎同救而貊人已去夏復與遼東鮮卑八千餘人攻遼隊殺掠吏人蔡諷等追擊於新昌是歲宮死子遂成立明年遂成還漢生口詣元菟降遂成死子伯固立其後滅貊率服東垂少事順帝陽嘉元年置元菟郡屯田六部質威之間復犯遼東西安平建寧二

年元菟太守景臨討之斬首數百級伯固降服乞屬元菟云

東沃沮臣屬句驪又有北沃沮

滅元朔元年内屬建武六年封其渠帥為縣侯

韓有三種一曰馬韓二曰辰韓三曰弁辰

倭建武中元二年奉貢朝賀光武賜以印綬竝本傳

南蠻

光武中興武陵蠻夷特盛建武二十三年精夫相單程等大寇郡縣遣武威將軍劉尚擊之尚軍大敗二十四

年相單程等下攻臨沅明年春遣伏波將軍馬援等將兵擊破之單程等乞降會援病卒謁者宋均聽受降羣蠻遂平肅宗建初元年武陵澧中蠻陳從等反叛零陽蠻五里精夫爲郡擊破之三年冬澧中蠻覃兒健等復反明年春發吏士五千餘人擊澧中賊五年春覃兒健等請降不許郡因進兵與戰於宏下大破之斬兒健等餘皆乞降乃受之於是罷武陵屯兵和帝永元四年冬澧中蠻潭戎等反郡兵擊破降之安帝元初二年澧中蠻結充中諸種攻城殺長吏州郡募五里蠻六亭

兵追擊破之皆散降明年秋澧中蠻四千人並爲盜賊又零陵蠻羊孫陳湯等千餘人著赤幘稱將軍抄掠百姓州郡募善蠻討平之順帝永和元年武陵太守上書以蠻夷率服可比漢人增其租賦其冬澧中澧中蠻遂反遣武陵太守李進討破之桓帝元嘉元年武陵蠻詹山等四千餘人反叛太守應奉以恩信招誘皆悉降散永壽三年十一月長沙蠻反叛至延熹三年秋遂抄掠郡界又零陵蠻入長沙武陵蠻寇江陵於是以度尚爲荊州刺史討平之又遣馮緄討武陵蠻皆降散

靈帝中平三年武陵蠻復叛寇郡界州郡擊破之
建武十二年九真徼外蠻里張游率種人募化內屬封
爲歸漢里君明年南越徼外蠻夷獻白雉白兔至十六
年交阯女子徵側及其妹徵貳反攻郡徼側者麓泠縣
雒將之女也嫁爲朱戴人詩索妻甚雄勇交阯太守蘇
定以法繩之側忿故反於是九真日南合浦蠻里皆應
之凡略六十五城自立爲王交阯刺史及諸太守僅得
自守光武乃詔長沙合浦交阯具車船修道橋通障谿
儲糧穀十八年遣伏波將軍馬援樓船將軍段志發長

沙桂陽零陵蒼梧兵萬餘人討之明年夏四月援破交
阯斬徵側徵貳等餘皆降散進擊九真賊都陽等破降
之徙其渠帥三百餘口於零陵於是嶺表悉平肅宗元
和元年日南徼外蠻夷邑豪獻生犀白雉和帝永元十
二年夏四月日南象林蠻夷二千餘人寇掠百姓燔燒
官寺郡縣發兵討擊斬其渠帥餘眾乃降於是置象林
將兵長史以防其患安帝永初元年九真徼外夜郎蠻
夷舉土內屬開境千八百四十里元初二年蒼梧蠻夷
反叛明年遂招誘鬱林合浦蠻夷漢數千人攻蒼梧郡

東漢書 卷三十九
五
鄧太后遣侍御史任遵奉詔赦之賊皆降散延光元年
九真徼外蠻貢獻內屬三年日南徼外蠻復來內屬順
帝永建六年日南徼外葉調王便遣使貢獻帝賜調便
金印紫綬永和二年日南象林徼外蠻夷區憐等數千
人攻象林縣燒城寺殺長吏拜祝良爲九真太守張喬
爲交阯刺史喬至開示慰誘並皆降散良到九真單車
入賊中設方畧招以威信降者數萬人由是嶺外復平
建康元年日南蠻夷千餘人復攻燒縣邑遂扇動九真
與相連結交阯刺史夏方開恩招誘賊皆降桓帝永壽

三年居風令貪暴無度縣人朱達等及蠻夷相聚攻殺
縣令眾至四五千人進攻九真遣九真都尉魏朗討破
之靈帝建寧三年鬱林太守谷永以恩信招降烏滸人
十餘萬內屬皆受冠帶開置七縣熹平二年冬十二月
日南徼外國重譯貢獻光和元年交阯合浦烏滸蠻反
叛招誘九真日南數萬人攻沒郡縣四年刺史朱雋擊
破之六年日南徼外國復來貢獻

巴陵南郡蠻建武二十三年南郡澹山蠻雷遷等始反
叛遣武威將軍劉尚討破之和帝永元十二年巫蠻許

聖等反叛遣使者督荊州諸郡兵大破聖等聖等乞降復徙置江夏靈帝建寧二年江夏蠻叛州郡討平之光和三年復反廬江太守陸康討破之餘悉降散

板楯蠻夷桓帝之世數反太守趙溫以恩信降服之靈帝光和三年巴郡板楯蠻叛遣益州兵討之不能尅帝遣詔赦之即皆降伏至中平五年巴郡黃巾賊起板楯

蠻夷因此復叛遣趙瑾討平之並本傳

西南夷

夜郎國公孫述時保境為漢光武嘉之並加褒賞桓帝

時尹珍從許慎應奉受經學成還鄉里教授於是南域始有學焉

滇王者武帝平之以其地為益州郡建武十八年夷渠帥棟蠶與姑復櫟榆桡棟連然滇池建憐昆明諸種反叛殺長吏益州太守繁勝與戰而敗退保朱提十九年遣武威將軍劉尚等發廣漢犍為蜀郡人及朱提夷合萬三千人擊之尚軍遂渡瀘水入益州界羣夷聞大兵至皆棄壘奔走向獲其羸弱穀畜二十年進兵與棟蠶等連戰數月皆破之明年正月追至不韋斬棟蠶帥凡

首虜七千餘人諸夷悉平靈帝熹平五年諸夷反叛遣御史中丞朱龜討之不能尅太尉掾李颺建策討伐迺拜颺益州太守與刺史龐芝發板楯蠻擊破平之

哀牢夷

邛都夷

笮都夷

冉駝夷

白馬氏

永平中益州刺史朱輔好立功名宣示漢德唐敢等百餘國舉種奉貢輔遣從事吏護送詣闕并上其樂詩帝嘉之下史官錄其歌焉

歌詩見樂類

西羌

西羌從爰劍種五世至研研最豪健自後以研為種號十三世至燒當復豪健其子孫更以燒當為種號滇良者燒當之元孫也更始赤眉之際寇金城隴西建武九年班彪上言今涼州部皆有降羌窮恚無聊故致反叛舊制益州部置蠻夷騎都尉幽州部置領烏桓校尉涼州部置護羌校尉皆持節領護今宜復如舊以明威防光武從之十年先零豪與諸種相結復寇金城隴西遣中郎將來歙等擊之大破十一年夏先零種復寇臨洮隴西太守馬援破降之後悉歸服徙置天水隴西扶風

三郡明年武都參狼羌反援又破降之自燒當至滇良素有恩信於種中於是集會附落掩擊先零奪居其地大榆中由是始強滇良子滇吾立中元元年武都參狼反隴西太守劉盱斬其酋豪餘悉降時滇吾附落轉盛二年秋燒當羌滇吾與弟滇岸寇隴西塞劉盱擊之爲羌所敗時燒何豪有婦人比銅鉗者年百餘歲多智算種人皆從取計策臨羌長收擊比銅鉗誅殺其種六七百人永平元年復遣竇固馬武等擊滇吾於西邯大破之滇吾引去餘悉散降乃徙七千口置三輔以竇林領

護羌校尉林爲諸羌所信而滇岸遂詣林降林謬奏上滇岸以爲大豪承制封爲歸義侯加號漢大都尉明年滇吾復降林復奏其第一豪與俱詣闕帝怪一種兩豪以事詰林林辭窘迺對曰滇岸卽滇吾隴西語不正耳帝窮驗知之免林官滇吾子東吾立迺入居塞內而諸弟迷吾等數爲寇盜肅宗建初二年迷吾又與封養種豪布橋等共寇隴西漢陽於是遣行車騎將軍馬防長水校尉耿恭討破之於是臨洮索西迷吾等悉降防迺築索西城徙隴西南部都尉戍之至元和三年迷吾

復與弟號吾諸雜種反叛秋號吾先輕入寇郡督烽掾李章追之生得號吾將詣郡號吾曰獨殺我無損於羌誠得生歸必悉罷兵不復犯塞隴西太守張紆權宜放遣羌卽解散傳育發兵擊之育戰死以隴西太守張紆代爲校尉迷吾旣殺傳育狃怙邊利章和元年復與諸種步騎七千人入金城塞張紆遣司馬防將千餘騎及金城兵會戰于木乘谷迷吾兵敗走因譯使欲降紆納之遂將種人詣臨羌縣紆設兵大會施毒酒中羌飲醉紆因自擊伏兵起誅殺酋豪八百餘人斬迷吾等五人

頭以祭育冢迷吾子迷唐及其種人寇隴西塞太守寇盱與戰迷唐不利引還大小榆谷北招屬國諸胡會集附落種熾盛張紆不能討永元元年以張掖太守鄧訓代爲校尉稍以賞賂離間之由是諸種少解東吾子東號立是時號吾將其種人降校尉鄧訓遣兵擊迷唐迷唐徙居頗巖谷和帝永元四年聶尙代爲校尉尙欲以文德服之迺遣譯使招呼迷唐還居大小榆谷迷唐旣還遣祖母卑缺詣尙尙自送至塞下爲設祖道令譯田汜等護送至廬落迷唐因而反叛遂與諸種共生屠裂

汜等以血盟詛復寇金城塞五年貫友代爲校尉友以
迷唐難用德懷迺遣兵出塞攻迷唐于大小榆谷遂夾
逢留大河築城塢作大航造河橋欲度兵擊迷唐迷唐
迺率部落遠依賜支河曲至八年友病卒史充代爲校
尉充至遂發湟中羌胡出塞擊迷唐而羌迎敗充兵明
年吳祉代爲校尉其秋迷唐脅塞內諸種羌共爲寇盜
擊破隴西兵遣劉尙趙代討之迷唐引去明年王信領
尙營屯枹罕耿譚領代營屯白石譚乃設購賞諸種頗
來內附迷唐恐迺請降信譚遂受降罷兵遣迷唐詣闕

和帝令迷唐將其種人還大小榆谷十二年遂復背叛
迺脅將湟中諸胡寇鈔而去以周鮪代爲校尉明年迷
唐復將兵向塞周鮪與金城太守侯霸至允州與迷唐
戰羌眾折傷迷唐遂弱其種眾不滿千人遂踰賜支河
首依發羌居明年侯霸代爲校尉時西海及大小榆谷
左右無復羌寇曹鳳上言以爲宜及此時規固二榆廣
設屯田隔塞羌胡交關之路遏絕狂狡窺欲之源又殖
穀富邊省委輸之役國家可以無西方之憂於是拜鳳
爲金城西部都尉將徙士屯龍耆後金城長史上官鴻

東漢會要 卷三十九
上開置歸義建威屯田二十七部侯霸復上置東西郡
屯田五部增留逢二部帝皆從之列屯夾河合三十四
部其功垂立至永初中諸羌叛迺罷東號子麻奴立遂
與種人大爲寇掠遣鄧騭任尙將兵屯漢陽明年春種
羌擊敗騭軍於冀西其冬騭使任尙率諸郡兵與滇零
戰於平襄尙軍大敗於是滇零等自稱天子於北地招
集武都參狼上郡西河諸雜種眾遂大盛東犯趙魏南
入益州遂寇鈔三輔斷隴道朝廷不能制三年春復遣
任仁救三輔漢兵數挫明年春滇零遣人寇襄中燒郵

亭大掠百姓於是漢中太守鄭勤移屯襄中軍營久出
無功迺詔任尙將吏兵還屯長安罷遣南陽潁川汝南
吏士置京兆虎牙都尉于長安扶風都尉于雍時羌復
攻襄中鄭勤戰死於是徙金城郡居襄武五年羌遂入
寇河東至河內羌旣轉盛而二千石令長多內郡人並
無戰守意皆爭上徙郡縣以避寇難朝廷從之遂移隴
西徙襄武安定徙美陽北地徙池陽上郡徙衙百姓戀
土不樂去舊流離分散隨道死亾復以任尙爲侍御史
擊眾羌于上黨羊頭山破之其秋漢陽人杜琦及弟季

東漢書卷三十九
貢同郡王信等與羌通謀聚眾入上邽城琦自稱安漢將軍於是募得其首者封列侯賜錢百萬漢陽太守趙博遣刺客杜習刺殺琦封習討姦侯而杜季貢王信等將其眾據樛泉營侍御史唐喜領諸郡兵討破之斬王信等六百餘級六年滇零死子零昌代立年尚幼少同種狼莫爲其計策以杜季貢爲將軍別居丁奚城七年夏騎都尉馬賢與侯霸掩擊零昌別部牢羌于安定元初元年零昌遣兵寇雍城又號多與當煎勒姐大豪其脅諸種分兵鈔掠龐參代爲校尉參以恩信招誘之二

年春號多等率眾七千餘人詣參降遣詣闕賜以印綬零昌種眾復分寇益州遣中郎將尹就將南陽兵因發益部諸郡屯兵擊零昌黨呂叔都等至秋蜀人陳省羅橫應募刺殺叔都皆封侯司馬鈞與龐參分道擊零昌軍敗以馬賢代領校尉事後遣任尙爲中郎將將羽林緹騎五營子弟三千五百人代班雄屯三輔尙遣輕騎鈔擊杜季貢於丁奚城斬首四百餘級明年夏度遼將軍鄧遵率南單于及左鹿蠡王須沈萬騎擊零昌於靈州斬首八百餘級封須沈爲破虜侯任尙遣兵擊破先

零羌於丁奚城四年春尙遣當闡種羌榆鬼等五人刺殺杜季貢封榆鬼爲破羌侯秋任尙復募效功種號封刺殺零昌封號封爲羌王冬任尙將諸郡兵與馬賢並進擊狼莫戰於富平河上大破之狼莫逃走於是西河虔人種羌萬一千口詣鄧遵降五年鄧遵募上郡全無種羌雕何等刺殺狼莫賜雕何爲羌侯封遵武陽侯自零昌狼莫死後諸羌瓦解三輔益州無復寇倣自羌叛十餘年間兵連師老不暫寧息軍旅之費轉運委輸用二百四十餘億府帑空竭延及內郡邊民死者不可勝

數并涼二州遂至虛耗六年春勒姐種與隴西種羌號良等通謀欲反馬賢逆擊之於安故斬號良及種人數百級皆降散永寧元年春上郡沈氏種羌五千餘人復寇張掖其夏馬賢將萬人擊破之時當煎種大豪飢五等以賢兵在張掖迺乘虛寇金城賢還軍追之出塞斬首數千級而還燒當燒何種聞賢軍還率三千餘人復寇張掖初飢五同種大豪盧忽忍良等千餘戶別留允街而首施兩端建光元年春馬賢率兵召盧忽斬之因放兵擊其種人忍良等皆出塞封賢安亭侯忍良等

以麻奴兄弟本燒當世嫡而賢撫恤不至常有怨心秋遂相結共脅將諸種步騎三千人寇湟中攻金城諸縣賢將先零種赴擊之戰於牧苑兵敗麻奴等因脅將先零沈氏諸種寇武威賢追到鸞鳥招引之諸種降者數千麻奴南還湟中延光元年春賢追到湟中麻奴出塞渡河賢復追擊戰破之種眾散遁詣涼州刺史宗漢降麻奴等孤弱飢困其年冬將種眾三千餘戶詣漢陽太守耿种降安帝假金印紫綬賜金銀綵繒各有差三年麻奴弟犀苦立順帝永建元年隴西鍾羌反校尉馬賢

擊破之斬首千餘級皆率種人降自是涼州無事陽嘉三年種羌良封等復寇隴西漢陽詔拜前校尉馬賢爲謁者鎮撫諸種馬續遣兵擊良封斬首數百級四年馬賢又發隴西吏士及羌胡兵擊良封賢復進擊鍾羌且昌且昌等率諸種十餘萬詣涼州刺史降永和元年馬續遷度遼將軍復以馬賢代爲校尉初武都塞上白馬羌攻破屯官反叛連年二年春廣漢屬國都尉擊破之馬賢又擊斬其渠帥飢指累祖等於是隴右復平明年冬燒當種那離等三千餘騎寇金城塞馬賢將兵赴擊

東漢書要 卷三十九
五
那離等復西招羌胡殺傷吏士四年馬賢將湟中義從兵及羌胡掩擊那離等斬之召賢爲宏農太守以來機爲并州刺史劉秉爲涼州刺史機等到州之日多所擾發五年夏且凍傳難種羌等遂反叛攻金城與西塞及湟中雜種羌胡大寇三輔殺害長吏於是發京師近郡及諸州兵討之拜馬賢爲征西將軍屯漢陽且凍分遣種人寇武都燒隴關掠苑馬六年春馬賢將五六千騎擊之到射姑山賢軍敗賢及二子皆戰沒於是東西羌遂大合鞏唐種三千餘騎寇隴西武威太守趙冲追擊

鞏唐羌斬首四百餘級秋諸種八九千騎寇武威涼部震恐於是復徙安定居扶風北地居馮翊遣執金吾張喬將兵萬五千屯三輔漢安元年以趙冲爲護羌校尉冲招懷叛羌罕眾迺率夷落五千餘戶詣冲降唯燒何種三千餘落據參戀北界三年夏趙冲與漢陽太守張貢掩擊之於是諸種前後三萬餘戶詣涼州刺史降建康元年春護羌從事馬玄遂爲諸羌所誘將羌眾亾出塞領護羌校尉衛瑤追擊玄等斬首八百餘級趙冲復追叛羌遇羌伏兵與戰歿冲雖身死而前後多所斬獲

羌由是衰耗永嘉元年左馮翊梁並稍以恩信招誘之於是離湟狐奴等五萬餘戶詣並降隴右復平自永和羌叛至于是歲十餘年間費用八十餘億諸將多斷盜牢廩私自潤入不恤軍事士卒不得其死者白骨相望於野桓帝建和二年白馬羌寇廣漢屬國殺長吏是時西羌反湟中胡復畔爲羌益州刺史率板楯蠻討破之斬首招降二十萬人延熹二年段熲代爲校尉時燒當八種寇隴右熲擊大破之四年零吾復與先零及上郡沈氏牢姐諸種寇并涼及三輔中郎將皇甫規擊破之

五年沈氏諸種復寇張掖酒泉皇甫規招之皆降至冬滇那等復攻武威張掖酒泉六年隴西太守孫羌擊破之永康元年東羌岸尾等脅同種連寇三輔中郎將張奐追破斬之當煎羌寇武威破羌將軍段熲復破滅之餘悉降散靈帝建寧三年燒當羌奉使貢獻中平元年北地降羌先零種因黃中大亂迺與漢中羌義從胡北宮伯玉等反寇隴右興平元年馮翊降羌反寇諸縣郭汜樊稠擊破之自爰劍後子孫支分凡百五十種其九種在賜支河以西及在蜀漢徼北其五十二種衰少不

能自立散分為附落其八十九種盛衰無常發羌唐旄等絕遠未嘗往來羗牛白馬羌在蜀漢其種別名號皆不可紀知也

湟中月氏胡舊在張掖酒泉地霍去病破匈奴取西河地開湟中於是月氏來降與漢人錯居雖依附縣官而首施兩端中平元年遂寇亂隴右焉

漢書地理志云東漢美里等國同屬彭家三縣中屬彭家
彭家善與匈奴為鄰其地六平關西太守張美里
中平元年遂寇亂隴右焉

東漢會要卷四十

宋 徐 麟 撰

西域

武帝時西域內屬有三十六國哀平間自相分割為五十五國建武中皆遣使求內屬光武以天下初定竟不許之永平中北征匈奴取伊吾盧地置宜禾都尉以屯田遂通西域于寘諸國皆遣子入侍西域自絕六十五載迺復通焉明年始置都護戊己校尉及明帝崩焉耆

龜茲攻沒都護陳睦悉覆其眾匈奴車師圍戊己校尉
建初元年春酒泉太守段彭大破車師於交河城章帝
不欲疲敝中國罷屯田伊吾匈奴因遣兵守伊吾地時
和帝永元元年竇憲大破匈奴掩擊伊吾破之三年班
超遂定西域因以超爲都護居龜茲復置戊己校尉領
兵五百人居車師前部高昌壁又置戍部候居車師後
部六年班超復擊破焉耆於是五十餘國悉納質內屬
其條支安息諸國至於海瀕四萬里外皆重譯貢獻於
是遠國蒙奇兜勒皆來歸服遣使貢獻及孝和晏駕西

域背畔安帝永初元年頻攻圍都護任尙段禧等朝廷
遂棄西域北匈奴卽復收屬諸國共爲邊寇十餘歲燉
煌太守曹宗患其暴害元初六年迺上遣行長史索班
將千餘人屯伊吾以招撫之於是車師前王及鄯善王
來降數月北匈奴復率車師後部王共攻沒班等遂擊
走其前王鄯善逼急求救於曹宗因此請出兵擊匈奴
復欲進取西域鄧太后不許但令置護西域副校尉居
燉煌復部營兵三百人羈縻而已其後北部連與車師
入寇河西朝廷不能禁議者因欲閉玉門陽關以絕其

東漢書卷四十一
 患燉煌太守張璠上書以為燉煌宜置校尉增四郡屯
 兵以西撫諸國庶足折衝萬里震怖匈奴帝納之迺以
 班勇為西域長史勇遂破平車師自建武至於延光西
 域三絕三通順帝永建二年勇復擊降焉耆於是龜茲
 疏勒于寘莎車等十七國皆來服從而烏孫葱嶺已西
 遂絕六年帝以伊吾舊膏腴之地傍近西域匈奴資之
 以為鈔暴復令開設屯田如永元時事自陽嘉以後朝
 威稍損諸國驕放轉相陵伐元嘉二年長史王敬為于
 寘所沒永興元年車師後王復反攻屯營自此浸以疎

慢矣	拘彌國	于寘國	西夜國
	子合國	德若國	條支國
	安息國	大秦國	大月氏國
	高附國	天竺國	東離國
	栗弋國	嚴國	奄蔡國
	莎車國	疏勒國	焉耆國
	蒲類國	移支國	東且彌國
	車師前王居	後王居	

南匈奴

北匈奴附

南匈奴醯落尸逐鞮單于比者呼韓邪單于之孫烏珠留若鞮單于之子也建武初彭寵反叛於漁陽單于與其因復權立盧芳使人居五原匈奴數與盧芳共侵北邊九年遣大司馬吳漢等擊之經歲無功匈奴轉盛十三年遂寇河東匈奴遣盧芳還降二十一年復寇上谷中山北邊無復寧歲初單于弟右谷蠡王知牙師以次當爲左賢王左賢王次卽當爲單于單于欲傳其子遂殺知牙師比見知牙師被誅出怨言曰以兄弟言之右

谷蠡王次當立以子言之我前單于長子我當立遂內懷猜懼庭會稀闊單于疑之迺遣兩骨都侯監領比所部兵及單于蒲奴立比懷憤恨密遣漢人郭衡奉匈奴地圖詣西河太守求內附兩骨都侯頗覺其意會五月龍祠因勸單于誅比比弟漸將王在單于帳下聞之馳以報比比遂斂八部眾四五萬人待兩骨都侯還欲殺之骨都侯且到知其謀亾去單于遣萬騎擊之見比眾盛不敢進而還二十四年春八部大人共議立比爲呼韓邪單于款五原塞願永爲藩蔽扞禦北方事下公卿

議者皆以爲天下初定中國空虛夷狄情僞難知不可許五官中郎將耿國獨以爲宜如孝宣故事受之令東扞鮮卑北拒匈奴率厲四夷全復邊郡帝從之其冬十月匈奴日逐王比自立爲南單于遣使詣闕奉藩稱臣二十五年春正月南單于遣弟左賢王莫將兵萬餘人擊北單于弟莫鞬左賢王生獲之北單于震怖卻地千餘里北部莫鞬骨都侯與右骨都侯率眾三萬餘人歸南單于南單于復遣使詣闕貢獻求使者監護遣侍子修舊約二十六年遣中郎將段郴副校尉王郁使南單

于立其庭去五原西部塞八十里使者令單于伏拜受詔單于顧望有頃迺伏拜稱臣訖令譯曉使者曰單于新立誠慙於左右願使者眾中無相屈折也詔聽南單于入居雲中始置使匈奴中郎將將兵護衛之夏南單于所獲莫鞬左賢王將其眾及南部五骨都侯合三萬餘人畔歸去北庭三百餘里自立爲單于月餘日更相攻擊五骨都侯皆死左賢王自殺諸骨都侯子各擁兵自守秋南單于遣子入侍詔賜單于冠帶璽綬車馬金帛甲兵什器又轉河東米糒二萬五千斛牛羊三萬六

于頭以贍給之令中郎將將弛刑五十人隨單于所處參辭訟察動靜單于歲盡輒遣奉奏送侍子入朝漢遣謁者送前侍子還單于庭賜單于及闕氏左右賢王以下繒綵合萬匹歲以爲常冬前畔五骨都侯子復將其眾三千人歸南部北單于使騎追擊悉獲其眾南單于遣兵拒之逆戰不利於是復詔單于徙居西河美稷因使段郴王郁留西河擁護之令西河長吏歲將騎二千弛刑五百人助中郎將衛護單于冬屯夏罷自後以爲常南單于既居西河亦列置諸部王助爲扞戍北地朔

方五原雲中定襄鴈門代郡皆領部眾爲郡縣偵羅耳目北單于惶恐頗還所畧漢人以示善意鈔兵每到南部下還過亭候輒謝曰自擊亡虜莫韃日逐耳非敢犯漢人也二十七年北匈奴遣使詣武威求和親帝召公卿廷議不決皇太子言曰南單于親附北匈奴懼於見伐故傾耳而聽爭欲歸義耳今未能出兵而反交通北匈奴臣恐南單于將有二心北匈奴降者且不復來矣帝然之中元元年十一月南單于比死弟左賢王莫立爲邱浮尤鞬單于帝遣使齎璽書拜授璽綬賜以衣冠

及繪綵其後遂以爲常二年南單于莫死弟汗立爲伊
伐于慮鞬單于明帝永平二年南單于汗死單于比之
子適立爲醯僮尸逐侯鞬單于五年冬北匈奴寇五原
遂寇雲中南單于擊卻之六年南單于適死單于莫之
子蘇立爲丘除車林鞬單于數月復薨單于適之弟長
立爲胡邪尸逐侯鞬單于七年時北匈奴猶盛數寇邊
遣使求合市顯宗莫其交通不復爲寇許之八年遣越
騎司馬鄭眾北使匈奴單于欲令眾拜眾不爲屈迺更
發使隨眾還京師初大司農耿國上言宜置度遼將軍

屯五原以防南匈奴逃亡朝廷不從南匈奴須卜骨都
侯等知漢與北匈奴交使內懷嫌怨欲畔密因北使令
遣兵迎之鄭眾出塞疑有異伺候果得須卜使人迺上
言宜更置大將以防二虜交通由是始置度遼營以中
郎將吳棠行度遼將軍事將黎陽虎牙營士屯五原曼
柏十七年冬十一月遣奉車都尉竇固定車師而還奏
復置西域都護及戊己校尉以陳睦爲都護司馬耿恭
爲戊校尉屯後王部金蒲城謁者關寵爲己校尉屯前
王部柳中城屯各置數百人十八年春二月北單于遣

左鹿蠡王率二萬騎擊車師耿恭遣司馬將兵三百人救之皆爲所沒匈奴遂破殺車師後王安得而攻金蒲城恭以毒藥傅矢語匈奴曰漢家箭神其中瘡者必有異匈奴中矢者視創皆沸大驚會天暴風雨隨雨擊之殺傷甚眾匈奴震怖相謂曰漢兵神真可畏也遂解去章帝建初二年春三月甲辰罷伊吾盧屯兵匈奴復遣兵守其地八年夏六月北匈奴三木樓訾大人稽留斯等率三萬餘人款五原塞降元和二年南單于長死單于汗之子宣立爲伊屠於閭鞬單于冬南單于遣兵與

北匈奴温禺犢戰於涿邪山斬獲而還武威太守孟雲上言北匈奴以前旣和親而南部復往抄掠北單于謂漢欺之謀欲犯塞謂宜還南所掠生口以尉其意詔百官議於朝堂太尉鄭宏司空第五倫等以爲不可許司徒桓虞及太僕袁安等以爲當與之宏因大言激厲虞曰諸言當還生口者皆爲不忠虞廷叱之倫及大鴻臚韋彪各作色變容司隸校尉舉奏宏等皆上印綬謝詔報曰久議沉滯各有所志蓋事以議從策由眾定閭閻衍衍得禮之容寢嘿抑心更非朝廷之福何由而深謝

其各冠履帝迺下詔曰海江所以能長百川者以其下之也少加屈下尙何足病況今與匈奴君臣分定辭順約明貢獻累至豈宜違信自受其曲敕度遼及領中郎將龐奮倍雇南部所得生口以還北匈奴南部斬首獲生計功受賞如常科章和元年冬十月北匈奴大亂屈蘭儲等五十八部口二十八萬詣雲中五原朔方北地降二年三月南單于宣死單于長弟屯屠何立爲休蘭戶逐侯鞬單于五月北匈奴饑降南部者歲數千人秋七月南單于上言宜及北庭爭立出兵討伐破北成南

並爲一國令漢家長無北念竇憲遣客刺殺齊殤王子都鄉侯暢太后怒憲懼自求擊匈奴以贖死冬十月乙亥以憲爲車騎將軍以執金吾耿秉爲副發北軍五校黎陽雍營緣邊十二郡騎士及羌胡兵出塞和帝永光元年夏六月竇憲耿秉出朔方鷄鹿塞南單于出滿夷谷度遼將軍鴻出摑陽塞皆會涿邪山憲分遣副校尉閻盤司馬耿夔耿譚將南匈奴精騎萬餘與北單于戰於稽落山大破之單于遁走追擊諸部遂臨私渠北鞬海斬名王已下萬三千級獲生口甚眾雜畜百餘萬頭

諸部率眾降者前後八十一部三十餘萬人憲出塞三千餘里登燕然山命中護軍班固刻石勒功紀漢威德而還遣軍司馬吳汜梁諷奉金帛遺北單于時虜中乖亂汜諷及單于於西海上宣國威信致以詔賜單于稽首拜受諷因說令修呼韓邪故事單于喜悅卽將其眾與諷俱還到私渠海聞漢軍已入塞迺遣弟右温禺鞞王奉貢入侍隨諷詣闕憲以單于不自身到奏還其侍弟三年夏五月竇憲遣副校尉閻贇三千餘騎掩擊北匈奴之守伊吾者復取其地秋七月北單于以漢還其

侍弟九月復遣使款塞稱臣欲入朝見冬十月竇憲遣班固梁諷迎之會南單于復上書求滅北庭於是遣左谷蠡王師子等將左右部八千騎出鷄鹿塞中郎將耿譚遣從事將護之襲擊北單于夜至圍之北單于被創僅而得免獲闕氏及男女五人斬首八千級生虜數千口班固至私渠海而還是時南部黨眾益盛領戶三萬四千勝兵五萬三年春正月竇憲以北匈奴微弱欲遂滅之二月遣左校尉耿夔司馬任尙出居延塞圍北單于於金微山大破之獲其母闕氏名王已下五千餘級

北單于逃走不知所在出塞五千餘里而還自漢出師所未嘗至也封夔爲粟邑侯初北單于既亡其弟右谷蠡王於除鞬自立爲單于將眾數千止蒲類海遣使款塞竇憲請遣立於除鞬爲單于置中郎將領護如南單于故事事下公卿議宋由等以爲可許袁安任隗奏以爲光武招懷南單于非謂可永安內地正以權時之算可得扞禦北狄故也今朔漠既定宜令南單于反其北庭并領降眾無煩復更立於除鞬以增國費事奏未以時定安懼憲計遂行迺獨上封事曰南單于屯先父舉

眾歸德自蒙恩以來四十餘年三帝積累以遺陛下深宜遵述先志成就其業況屯首倡大謀空盡北庭輟而弗圖更立新降以一朝之計違三世之規失信于所養建立于無功論語曰言忠信行篤敬雖蠻貊行焉今若失信于一屯則百蠻不敢復保誓矣又烏桓鮮卑新殺北單于凡人之情咸畏仇讎今立其弟則南北懷怨且漢故事供給南單于費直歲一億九十餘萬西域歲七千四百八十萬今北庭彌遠其費過倍是迺空盡天下而非建策之要詔下其議安又與憲更相難折憲險急

東漢會要 卷四十一
負勢言辭驕訐至詆毀安稱光武誅韓歆戴涉故事安終不移然上竟從憲策四年春正月遣大將軍左校尉耿夔授于除鞬印綬使中郎將任尙持節護屯伊吾如南單于故事六年秋七月南單于師子立降胡五六百人夜襲師子安集掾王恬將衛護士與戰破之于是降胡遂相驚動十五部二十餘萬人皆反脅立前單于屯屠何子莫鞬日逐王逢侯爲單于遂殺畧吏民燔燒郵亭廬帳將車重向朔方欲度漠北九月癸丑以光祿勳鄧鴻行車騎將軍事與越騎校尉馮柱行度遼將軍朱

徽將左右羽林北軍五校士及郡國迹射緣邊兵馬烏桓校尉任尙將烏桓鮮卑合四萬人討之時南單于及中郎將杜崇屯牧師城逢侯將萬餘騎攻圍之冬十一月鄧鴻等至美稷逢侯迺解圍去向滿夷谷南單于遣子將萬騎及杜崇所領四千騎與鄧鴻等追擊逢侯于大城塞斬首四千餘級任尙率鮮卑烏桓要擊逢侯于滿夷谷復大破之前後凡斬萬七千餘級逢侯遂率眾出塞漢兵不敢追而還八年五月南匈奴右温禺犢王烏居戰畔出塞秋七月度遼將軍龐奮越騎校尉馮柱

追擊破之徙其餘眾及諸降胡二萬餘人于安定北地
十年南單于師于死單于長之子檀立爲萬氏尸逐鞮
單于安帝永初三年九月南單于圍中郎將耿种于美
稷冬十一月以大司農陳國何熙行車騎將軍事中郎
將龐雄爲副將五營及邊郡兵二萬餘又遼東太守耿
夔率鮮卑及諸郡兵共擊之以梁懂行度遼將軍事雄
夔擊南匈奴莫鞬日逐王破之四年春正月南單于圍
耿种數月梁懂耿夔擊斬其別將于屬國故城單于自
將迎戰懂等復破之單于遂引還虎澤二月南匈奴寇

常山三月何熙軍到五原曼柏連營稍前單于見諸軍
大進大恐怖顧責韓琮曰汝言漢人死盡今是何等人
也迺遣使降許之單于脫帽徒跣對龐雄等拜陳道死
罪于是赦之遇待如初迺還所鈔漢民男女及羌所畧
轉賣入匈奴中者合萬餘人延光三年夏四月南單于
檀死弟拔立爲烏稽侯尸逐鞮單于順帝永建三年冬
十二月南單于拔死弟休立爲去特若尸逐就單于
永和五年春二月南匈奴句龍王吾斯車紐等反寇西
河招誘右賢王合兵圍美稷殺朔方代郡長吏夏五月

東漢書卷四十一
十三
度遼將軍馬續與中郎將梁並等發邊兵及羌胡合二萬餘人掩擊破之吾斯等復更屯聚攻沒城邑天子遣使責單于單于本不預謀迺脫帽避帳詣並謝罪並以病召五原太守陳龜代爲中郎將龜以單于不能制下逼迫之單于及其弟左賢王皆自殺龜又欲徙單于近親於內郡而降者遂更狐疑龜坐下獄免大將軍梁商上表曰匈奴寇畔自知罪極窮鳥困獸皆知救死況種類繁熾不可單盡今轉運日增三軍疲苦虛內給外非中國利度遼將軍馬續素有謀謨且典邊日久深曉兵

要每得續書與臣策合宜令續深溝高壁以恩信招降宣示募賞明其期約如此則匈奴可服國家無事矣帝從之迺詔續招降畔人九月匈奴句龍吾斯等立車紐爲單于東引烏桓西收羌胡等數萬人攻破京兆虎牙營殺上郡都尉及軍司馬遂掠寇并涼幽冀四州迺徙西河治離石上郡治夏陽朔方治五原十二月遣使匈奴中郎將張耽將幽州烏桓諸郡營兵擊車紐等戰于馬邑斬首三千級獲生口甚眾車紐乞降而吾斯猶率其部曲與烏桓寇鈔漢安元年秋八月南匈奴句龍吾

斯與莫鞬臺耆等復反寇掠并部二年六月丙寅立南匈奴守義王兜樓儲爲呼蘭若尸逐就單于時兜樓儲在京師上親臨軒授璽綬引上殿賜車馬器服金帛甚厚詔太常大鴻臚與諸國侍子于廣陽城門外祖會饗賜作樂角抵百戲十一月使匈奴中郎將馬實遣人刺殺句龍吾斯桓帝建和元年南單于兜樓儲死伊陵尸逐就單于居車兒立延熹元年十二月南匈奴諸部並叛與烏桓鮮卑寇緣邊九郡帝以京兆尹陳龜爲度遼將軍龜到職州郡重足震栗省經用歲以億計詔拜安

定屬國都尉張奐爲北中郎將以討匈奴烏桓燒度遼將軍門引屯赤阬烟火相望兵眾大恐各欲亾去奐安坐帷中與弟子講誦自若軍士迺稍安潛誘烏桓陰與和通遂使斬匈奴屠各渠帥襲破其眾諸胡悉降奐以南單于居車兒不能統理國事迺拘之奏立左谷蠡王爲單于詔曰春秋大居正居車兒一心向化何罪而黜其遣還庭靈帝時匈奴屢叛其後天下大亂單于與白波賊合兵入寇建安二十一年單于來朝曹操因留于鄴而遣去卑歸監其國焉

以紀傳及通鑑修

烏桓

烏桓者本東胡也漢初匈奴滅其國餘類保烏桓山因
以爲號光武初烏桓與匈奴連兵爲寇建武二十一年
遣伏波將軍馬援將三千騎出五阮關掩擊之二十二
年匈奴國亂烏桓乘弱擊破之匈奴北徙數千里二十
五年遼西烏桓大人郝且等九百三十二人率眾向化
詣闕朝獻封其渠帥爲侯者八十一人皆居塞內司徒
掾班彪上言烏桓天性輕黠好爲寇賊宜復置烏桓校
尉帝從之於是始復置校尉于上谷甯城開營府并領

鮮卑賞賜質子歲時互市焉明章和三世皆保塞無事
安帝永初三年夏漁陽烏桓與右北平胡千餘寇代郡
上谷秋雁門烏桓率眾王無何與鮮卑大人邱倫等及
南匈奴骨都侯合七千騎寇五原遣車騎將軍何熙度
遼將軍梁懂等擊大破之無何乞降鮮卑走還塞外是
後烏桓稍復親附順帝陽嘉四年冬烏桓寇雲中度遼
將軍耿晷追擊不利于是發積射士二千人度遼營千
人配上郡屯以討烏桓烏桓乃退永和五年烏桓大人
阿堅羌渠等與南匈奴左部句龍吾斯反叛中郎將張

耿擊破之桓帝永壽中朔方烏桓與休著屠各並畔中郎將張奐擊平之延熹九年夏烏桓與鮮卑及南匈奴寇緣邊張奐討之皆出塞去靈帝初烏桓大人上谷有難樓者眾九千餘落遼西有邱力居者眾五千餘落皆自稱王又遼東蘇僕延眾千餘落自稱峭王右北平烏延眾八百餘落自稱汗魯王並勇健而多計策中平四年前中山太守張純畔入邱力居眾中自號彌天安定王遂為諸郡烏桓元帥寇掠青徐幽冀四州五年以劉虞為幽州牧虞斬純首北州乃定獻帝初平中邱力居

死從子蹋頓代立建安初袁紹與公孫瓚相持不決蹋頓遣兵助擊瓚破之紹矯制賜蹋頓等單于印綬建安十二年曹操自征烏桓大破蹋頓于柳城斬之其餘眾

悉徙居中國云

本傳

鮮卑

鮮卑亦東胡之支也其言語習俗與烏桓同光武初匈奴率鮮卑與烏桓寇鈔北邊無有寧歲建武二十一年鮮卑與匈奴入遼東遼東太守祭彤擊破之及南單于附漢北單于孤弱二十五年鮮卑始通驛使其後都護

偏何等詣祭彤求自効因令擊北匈奴連歲出兵持首級詣遼東受賞賜三十年鮮卑大人于仇賁滿頭等率種人詣闕朝賀帝封于仇賁爲王滿頭爲侯和帝永元中竇憲擊破匈奴北單于逃走鮮卑因此轉徙據其地匈奴餘種留者尙有十餘萬落皆自號鮮卑鮮卑由此漸盛九年遼東鮮卑攻肥如縣十三年寇右北平延平元年復寇漁陽漁陽太守張顯出塞追之遇虜伏發破于陣安帝永初中鮮卑大人燕荔陽詣闕朝賀鄧太后賜王印綬因築南北兩部質館鮮卑邑落百二十部各

遣入質是後或降或畔與匈奴烏桓更相攻擊元初三年遼東鮮卑圍無慮縣復攻扶黎營四年遼西鮮卑連休等遂燒塞門寇百姓烏桓大人于秩居等共郡兵奔擊大破之五年代郡鮮卑穿塞入寇發緣邊甲卒黎陽營兵屯上谷以備之六年鮮卑入馬城塞度遼將軍鄧遵擊破之永寧元年遼西鮮卑大人烏倫其至鞬率眾詣鄧遵降奉貢獻詔封烏倫爲率眾王其至鞬爲率眾侯建光元年其至鞬復畔寇居庸雲中太守成嚴擊之戰沒鮮卑於是圍烏桓校尉徐常於馬城度遼將軍耿

夔與幽州刺史龐參發廣陽漁陽涿郡甲卒救之乃解圍遁去鮮卑既累殺郡守臆意轉盛控弦數萬騎延光元年冬復寇鴈門定襄二年其至鞬自將萬餘騎攻南匈奴於蔓柏日逐王戰死三年復寇高柳擊破南匈奴順帝永建元年其至鞬寇代郡明年中郎將張國擊破之時遼東鮮卑亦入寇耿晷擊破之鮮卑乃率種眾三萬人詣遼東乞降三年四年頻寇漁陽六年耿晷遣司馬將胡兵擊破之烏桓豪人扶漱官勇健每與鮮卑戰輒陷敵賜號率眾君陽嘉元年耿晷遣烏桓親漢校尉

戎朱廙率眾王侯咄歸等出塞鈔擊鮮卑大斬獲而還賜咄歸等以下為率眾王侯鮮卑後寇遼東屬國晷乃移屯無慮城拒之二年中郎將趙稠遣從事擊鮮卑斬獲甚眾後其至鞬死鮮卑鈔盜差稀桓帝時鮮卑檀石槐者勇健有智畧盡據匈奴故地永壽二年遂寇雲中延熹元年鮮卑寇邊二年復入雁門六年寇遼東九年分騎入緣邊九郡於是復遣張奐擊之朝廷積患之而不能制遂遣使持印綬封檀石槐為王檀石槐不肯受寇鈔滋甚靈帝立幽并涼三州無歲不被寇鈔熹平六

年北地太守夏育請調幽州諸郡兵出塞擊之乃召公卿議議郎蔡邕議曰邊垂之患手足之蚡搔雖或破之豈可盡殄帝不從遂遣夏育出高柳田晏出雲中臧旻出雁門各將萬騎三道出塞檀石槐命三部大人各率眾逆戰育等大敗奔還光和元年冬又寇酒泉緣邊莫不被毒又東擊倭人國得千餘家命捕魚以助糧食光和

中檀石槐死子和連代立才力不及父眾畔者半後

本傳

出攻北地中弩死自檀石槐後諸大人遂世相傳襲

